

Pontifex: Et ómnibus pompis ejus?

Respondet Patrinus: Abrenúntio.

Deinde Pontifex sedens adhuc cum mitra, intingit pollicem in oleo Catechumenorum, et infantem ungit in pectore, et inter scapulas, in modum Crucis, dicens semel:

Ego te línio ✠ óleo salutis in Christo Jesu Dómino nostro, ut hábeas vitam ætérnam. R. Amen.

Deinde pollicem, et inuncta loca abstergit bombacio, vel re simili. Mox depositis mitra simplici, pluviali, et stola violaceis, accipit stolam, et pluviale albi coloris, et mitram auriphrygiatam, et tunc ingreditur Capellam Baptisterii, ubi, sedens ante ostium Fontis, interrogat, expresso nomine, baptizatum, Patrino respondente: (*Singulis.*)

N. Credis in Deum Patrem omnipoténtem, creatórem cœli et terræ?

Patrinus respondet: Credo.

Pontifex: Credis in Jesum Christum, Fílium ejus únicum, Dóminum nostrum, natum et passum?

Patrinus respondet: Credo.

Pontifex: Credis et in Spíritum sanctum, sanctam Ecclésiám Cathólicam, Sanctórum communiónem, remissionem peccatórum, carnis resurrectionem, et vitam ætérnam?

Patrinus respondet: Credo.

Pontifex sedens, et retinens mitram, intingit pollicem in sacro Chrismate, et ungit infantem (quem Patrinus vel Matrina, vel uterque simul tenent) in summitate capitis in modum Crucis, dicens:

Deus omnipotens, Pater Dómini nostri Jesu Christi, qui te regenerávit ex aqua et Spíritu sancto, quique dedit tibi remissionem ómnium peccatórum, (*Hic inungit*) ipse te líniat Chrismate salutis ✠ in eódem Christo Jesu Dómino nostro in vitam ætérnam.

R. Amen.

Tum bombacio, vel re simili, abstergit pollicem, et locum inunctum. Deinde etiam sedens cum mitra, imponit capiti infantis linteolum candidum, loco vestis albæ, dicens:

Accipe vestem cándidam, quam immaculátam pérferas ante tribunal Dómini nostri Jesu Christi, ut hábeas vitam ætérnam.

R. Amen.

Postea pariter sedendo cum mitra, dat infanti; vel Patrino, candelam accensam, dicens:

Accipe lámpadem ardéntem, et irreprehensíbilis custódi Baptísmum tuum: serva Dei mandáta, ut cum Dóminus vénerit ad nuptias, possis occurrere ei una cum ómnibus Sanctis in aula cœlésti, habéasque vitam ætérnam, et vivas in sœcula sœculórum. R. Amen.

Postremo dicit, etiam sedendo cum mitra:

N. Vade in pace, et Dóminus sit tecum. R. Amen.

Si vero fuerint plures infantes, masculi seu feminæ, in catechismo masculi statuuntur ad dexteram, feminæ vero ad sinistram; et omnia pariter dicantur,

ut supra, in proprio genere, et in numero plurali. Quod si simul fuerint masculi, et feminæ, omnia dicuntur in numero plurali, sed in genere masculino, etiam si sint plures, feminæ, quam masculi.

Quædam vero non in numero plurali pro omnibus, sed in numero singulari pro singulis dici oportet; in genere tamen masculino pro masculis, et in genere feminino pro feminis, ut notatur in Rituali Romano in rubrica post baptismum parvulorum; sed nos, pro majori commoditate adnotavimus in propriis locis, in rubricis parenthesi notatis; ita ut quando dicitur in tali rubrica: *Singulariter singulis*, intellige quod illa verba, vel actiones, usque ad aliam rubricam dici, vel fieri debent singulariter singulis, et primum masculis, deinde feminis, mutato solum genere, ut dictum est supra.

Quando vero in simili rubrica dicitur: *In plurali pro omnibus*, intellige quod illa verba usque ad aliam rubricam dici debent semel, sed pro omnibus in plurali, mutato solum genere, si omnes sint feminæ.

Pontifex demum, completis cæremoniis, adhuc sedens cum mitra, lavat manus more solito: et inde eodem comitatu, eodemque modo, quo accessit, eo, unde venerat, revertitur.

PONTIFICALIS RITUS

PRO SUPPLENDIS OMISSIS SUPER BAPTIZATUM ADULTUM.



Pontifex sacras preces et cæremonias in adulti Baptismo omissas supplere volens, sequentia suis locis disponantur.

In Secretario. Altare cum Cruce, et candelabris cum cereis: baculus pastoralis a latere Epistolæ.

Super Altare. Mitra simplex, pectorale, pluviale, et stola violacei coloris, Crux pectoralis, cingulus albi coloris, alba, amictus, et si Pontifex erit Regularis, superpelliceum: omnia velo serico violaceo cooperta.

Item faldistorium cum veste, et pulvinis violaceis super tapete, ante idem altare.

Insuper sedes Pontificalis cum pulvino violaceo et tapete, si Pontifex erit in propria Ecclesia.

In Abaco ejusdem Secretarii. Bacile, et buccale cum aqua. Mappæ pro gremio, et manibus. Candelabra duo cum cereis. Clava, Cardinalitia, si Pontifex erit S. R. E. Cardinalis, liber hic, et bugia.

In Presbyterio et Choro. Altare cum pallio violaceo, Cruce, et candelabris cum cereis. Faldistorium cum veste, et pulvinis violaceis super tapete. Sedes Pontificalis, tecta violaceis, si Pontifex, ut supra, erit in propria Ecclesia.

Ad valvas Ecclesiæ, et ad ostium cancellorum Baptisterii. Faldistorium coopertum veste violacea, super strato.

In Baptisterio. Faldistorium cum veste alba, et tria scabella circa illud super tapete, intra cancellos ante ostium Fontis.

In Abaco ejusdem Baptisterii. Pelvicula cum sale. Vascula duo cum bombacio madido sanctis Oleis, alterum Chrismatis, alterum Catechumenorum. Bombacium siccum pro abstersione locorum inunctorum. Paramenta albi coloris, videlicet, mitra auriphrygiata, pluviale, et stola, cooperta velo serico albo. Chrismalia seu candidi linteoli, et vestes candidæ pro numero Neophytorum. Item et cerei eisdem tradendi. Vasa cum mica panis ad lavandas manus. Mappæ ad eas tergendas, et pro gremio.

Pontifex igitur, paratis omnibus de mane, in secretario lavat prius manus, deinde super rochetum, sive superpelliceum, si sit Regularis, accipit amictum, albam, cingulum, Crucem pectoralem, stolam, ac pluviale violacei coloris, pectorale, et mitram.

Postmodum, cum toto Clero suæ Ecclesiæ, ordine processionali accedit ante Altare majus, vel ejusdem Secretarii, ubi, genuflexus super faldistorio, deposita mitra, genuflectentibus pariter omnibus, pias mente ad Deum preces effundat, ut sacram actionem digne valeat explere.

Deinde ad implorandum divinum auxilium, surgens, se signat, et dicit:

Deus in adjutórium meum inténde.

R. Dómine ad adjuvándum me festína.

Glória Patri, et Filio, et Spiritui sancto.

R. Sicut erat in princípío et nunc, et in sæcula sæculórum. Amen.

Postea, stans ibidem, incipiat, prosequentibus Clericis, Antiphonam:

Effúndam super vos aquam mundam, et mundabimini ab ómnibus inquinaméntis vestris, dicit Dóminus.

Deinde. Ps. Dómine, Dóminus noster. p. 312. Afférte Dómino. p. 218. et Quemádmódum desiderat. p. 312. Et dicuntur toti cum Glória Patri. Sicut erat etc.

Et repetitur Antiphona.

Effúndam super vos aquam mundam, et mundabimini ab ómnibus inquinaméntis vestris, dicit Dóminus.

Completa Antiphona, Pontifex, deposita mitra, surgit, et stans versus ad altare, dicit:

Kýrie eléison. **C**hriste eléison. **K**ýrie eléison.

Pater noster. **secreto usque ad**

V. Et ne nos indúcas in tentatiónem.

R. Sed líbera nos a malo.

V. Dómine exaúdi oratiónem meam.

R. Et clamor meus ad te véniat.

V. Dóminus vobíscum. **R.** Et cum spírítu tuo.

Orémus.

Omnípotens, sempitérne Deus, qui dedísti fámulis tuis in confessiõe veræ fidei, æternæ Trinitátis glóriam agnóscere; et in poténtia majestátis adoráre unitátem: quæsumus; ut ejúsdem fidei firmitáte, ab ómnibus semper muniámur advérsis.

Oratio.

Adésto supplicatióibus nostris, omnípotens Deus: et quod humilitátis nostræ geréndum est ministério, tuæ virtútis impleátur efféctu.

Oratio.

Da, quæsumus Dómine, Elécto nostro, *(In plurali pro omnibus, et in genere masculino, nisi omnes sint feminae.)* ut, sanctis edóctus mystériis,

et renovétur fonte Baptísmatis, et inter Ecclésiæ tuæ membra numerétur. **Per Christum Dóminum nostrum. R. Amen.**

Deinde Pontifex, acceptis mitra, et baculo Pastoralis, procedit cum toto suo Clero, ut supra, ad fores Ecclesiæ, ibique in limine, deposito baculo, et retenta mitra, sedet in faldistorio. Catechizandus vero extra limen genuflectit, e regione Pontificis. Et si sint plures mares, et feminae, illi ad dexteram Pontificis, hæ vero ad sinistram statuuntur.

Tum Pontifex sedens cum mitra interrogat Electum. *(Singulariter singulis, si plures, usque ad orationem.)*

Quo nómine vocáris?

Electus respondet: N.

Pontifex: N. Quid petis ab Ecclésiá Dei?

Respondet Electus: Fidem.

Pontifex: Fides quid tibi præstat?

Respondet Electus: Vitam ætérnam.

Pontifex: Si vis habére vitam ætérnam, serva mandáta. Diliges Dóminum Deum tuum ex toto corde tuo, et ex tota ánima tua, et ex tota mente tua, et próximum tuum, sicut te ipsum. In his duóbus mandátis tota Lex pendet et Prophætæ. Fides autem est, ut unum Deum in Trinitáte, et Trinitátem in unitáte veneréris, neque confundéndo persónas, neque substántiam separándo. Alia est enim persóna Patris, ália Filii, ália Spírítus sancti; sed horum trium una est substántia, et nónnisi una Divínitas.

Et rursus interrogat: N. Abrenúntias sátanæ?

Respondet Electus: Abrenúntio.

Interrogat: Et ómnibus opéribus ejus?

Respondet: Abrenúntio.

Interrogat: Et ómnibus pompis ejus?

Respondet: Abrenúntio.

Deinde Pontifex interrogat de Symbolo Fidei, dicens:

Credis in Deum Patrem omnipoténtem, Creatórem cœli et terræ?

Respondet: Credo.

Interrogat: Credis in Jesum Christum, Filium ejus únicum, Dóminum nostrum, natum et passum?

Respondet: Credo.

Interrogat: Credis et in Spírítum sanctum, sanctam Ecclésiám Cathólicam, Sanctórum communiónem, remissionem peccatórum, carnis resurrectionem, et vitam ætérnam?

Respondet: Credo.

Tunc Pontifex surgit cum mitra, et exsufflat ter in faciem ejus, semel dicendo:

Exi ab eo spírítus immúnde, et da locum Spírítui sancto Paráclito.

Hic in modum crucis halet in faciem ipsius, et dicat:

N. Accipe sp̄ritum bonum per istam insufflationem, et Dei benedictionem ✠. Pax tibi.

R. Et cum sp̄ritu tuo.

Deinde Pontifex sedet cum mitra, et facit Crucem cum pollice in fronte, et in pectore Electi, dicens:

N. Accipe signum Crucis tam in fronte ✠, quam in corde ✠: sume fidem cœlestium pr̄ceptórum. Talis esto móribus, ut templum Dei jam esse possis: ingressúsque Eccl̄siam Dei, evasisse te láqueos mortis, lætus agnósce:

Et si Electus venit de Gentilitatis errore, sive de Ethnicis, et Idololatriis, dicat:

Horrésce idóla, réspue simulácula.

Si ex Hebræis, dicat:

Horrésce judáicam perfidiam, réspue hebráicam superstitionem.

Si ex Mahumetanis, dicat:

Horrésce Mahuméticam perfidiam, réspue pravam sectam infidelitátis.

Si ex Hæreticis, et in ejus baptismo debita forma servata non sit, dicat:

Horrésce hæreticam pravitatem, réspue nefárias sectas impiórum **N.**

Exprimens proprio nomine sectam, de qua venit. Inde prosequatur:

Cole Deum Patrem omnipoténtem, et Jesum Christum, Fílium ejus únicum, Dóminum nostrum, qui ventúrus est judicáre vivos, et mórtuos, et sœculum per ignem. **R.** Amen.

Si Electi fuerint plures, Pontifex singulariter singulos interrogabit, rependo:

Quo nómine vocáris? et, ut supra, reliqua perficiendo.

Deinde surgit, et deposita mitra, dicit: *(In plurali pro pluribus.)*

Orémus.

Te deprecor, Dómine sancte, Pater omnipotens, ætérne Deus, ut huic fámulo tuo **N.** qui in hujus sœculi nocte vagátur incértus ac dúbius, viam veritátis, et agnitiónis tuæ júbeas demonstrári: quátenus, reserátis óculis cordis sui, te unum Deum Patrem in Fílio, et Fílium in Patre cum Sp̄ritu sancto recognóscat, atque hujus confessiÓnis fructum, et hic, et in futúro sœculo percípere mereátur. Per Christum Dóminum nostrum. **R.** Amen.

Mox, sedens cum mitra, signat signo Crucis Electum cum pollice in fronte, dicens: *(Singulariter singulis.)*

Signo tibi frontem ✠, ut suscipias Crucem Dómini.

In auribus: Signo tibi aures ✠, ut audias divína pr̄cepta.

In oculis: Signo tibi óculos ✠, ut videas claritatem Dei.

In naribus: Signo tibi nares ✠, ut odórem suavitátis Christi séntias.

In ore: Signo tibi os ✠, ut loquáris verba vitæ.

In pectore: Signo tibi pectus ✠, ut credas in Deum.

In scapulis: Signo tibi scápulas ✠, ut suscipias jugum servitútis ejus.

In toto corpore, illud non tangens, manu producit signum Crucis, et dicit:

Signo te totum in nómine Patris ✠, et Fílii ✠, et Sp̄ritus ✠ sancti, ut hábeas vitam ætérnam, et vivas in sœcula sœculórum.

R. Amen.

Deinde deposita mitra, surgit, et dicat: *(In plurali pro pluribus.)*

Orémus.

Oratio.

Preces nostras, quæsumus Dómine, cleménter exaudi: et hunc Eléctum tuum **N.** Crucis Dominicæ, cujus impressiÓne eum signámus, virtúte custódi: ut magnitúdinis glóriæ tuæ rudiménta servans, per custódiam mandatórum tuórum ad regeneratiÓnis glóriam pervenire mereátur. Per Christum Dóminum nostrum.

R. Amen.

Orémus.

Oratio.

Deus, qui humáni géneris ita es cónditor, ut sis étiam reformátor, propitiáre pópulis adoptivis; et novo testaménto sóbolem novæ prolis adscribe: ut filii promissiÓnis, quod non potuerunt ássequi per natúram, gaúdeant suscepisse per grátiam. Per Christum Dóminum nostrum. **R.** Amen.

(Singulis.) Tunc imponit manum super caput Electi et stans sine mitra dicit: *(In plurali pro pluribus.)*

Orémus.

Oratio.

OmniPotens, sempitérne Deus, Pater Dómini nostri Jesu Christi, respícere dignéris super hunc fámulum tuum **N.**, quem dudum ad rudiménta fidei vocáre dignátus es: omnem cæcitatem cordis ab eo expélle: disrúmpe omnes láqueos sátanæ, quibus fúerat colligátus; áperi ei, Dómine, jánuam pietátis tuæ, ut signo sapiéntiæ tuæ imbútus, ómnium cupiditátum fœtóribus cáreat, et ad suávem odórem pr̄ceptórum tuórum lætus tibi in Eccl̄sia tua desérviat, et proficiat de die in diem, ut idóneus sit frui grátia Baptismi tui, quem suscepit, salis percépta medicina. Per eúmdem Christum Dóminum nostrum. **R.** Amen.

Deinde, stans cum mitra, benedicit sal. *(Sine mutatione.)*

BENEDICTIO SALIS DANDI CATECHUMENO.

Exorcizo te, creatúra salis, in nómine Dei Patris omnipoténtis ✠, et in caritate Dómini nostri Jesu Christi ✠, et in virtúte Sp̄ritus sancti ✠. Exorcizo te per Deum vivum ✠, per Deum verum ✠, per Deum sanctum ✠, per Deum ✠, qui te ad tutelam humáni géneris procreávit, et pópulo veniénti ad credulitatem per

servos suos consecrari præcepit, ut in nomine sanctæ Trinitatis efficiaris salutare sacramentum ad effugandum inimicum.

Hic deposita mitra, et adhuc stans, prosequitur, dicens:

Proinde rogamus te, Domine Deus noster, ut hanc creaturam salis sanctificando sanctifices ✠, et benedicendo benedicas ✠, ut fiat omnibus accipientibus perfecta medicina, permanens in visceribus eorum, in nomine ejusdem Domini nostri Jesu Christi, qui venturus est judicare vivos, et mortuos, et sæculum per ignem. **R.** Amen.

Quod si Electus fuerit Gentilis, seu ex Idololatriis venerit ad fidem, benedicto sale, antequam ejus medicinam gustet, Pontifex, adhuc stans sine mitra, addat sequentem Orationem, quæ tamen pro venientibus ex Hebræis, vel aliis, ut supra, non dicitur. *(In plurali pro pluribus.)*

Orémus.

Oratio.

Domine sancte, Pater omnipotens, æternæ Deus, qui es, qui eras, et qui permanes usque in finem, cujus origo nescitur, nec finis comprehendere potest: te supplices invocamus super hunc famulum tuum **N.** quem liberasti de errore gentilium, et conversatione turpissima: dignare exaudire eum, qui tibi cervices suas humiliat ad lavacri fontem, ut renatus ex aqua, et Spiritu sancto, exspoliatus veterem hominem, induat novum, qui secundum te creatus est; accipiat vestem incorruptam, et immaculatam, tibi que Deo nostro servire mereatur. Per Christum Dominum nostrum. **R.** Amen.

Tunc Pontifex sedet cum mitra, et pollice, ac indice accipit de ipso sale benedicto, et immittit in os Electi, dicens: *(Singulariter singulis.)*

N. Accipe sal sapientiæ, propitiatio sit tibi in vitam æternam. **R.** Amen.

Pax tecum. **R.** Et cum spiritu tuo.

Deinde sine mitra, surgit et stans dicit: *(In plurali pro pluribus.)*

Orémus.

Deus patrum nostrorum, Deus universæ conditor veritatis, te supplices exoramus, ut hunc famulum tuum **N.** respicere digneris propitius, et hoc pabulum salis gustantem, non diutius esurire permittas, quo minus cibo expleatur cœlesti, quatenus sit semper spiritu fervens, spe gaudens, tuo semper nomini serviens. Et quem ad novæ regenerationis lavacrum perduxisti, quæsumus Domine, ut cum fidelibus tuis promissionum tuarum æterna præmia consequi mereatur. Per Christum Dominum nostrum. **R.** Amen.

Si inter Electos adsint feminae, recedant ipsæ in partem, quousque tertio dicatur masculis: Ora, Elécte etc. et hi signati fuerint in fronte.

Deinde Pontifex sedet cum mitra, et dicat Electo stanti: *(In plurali pro pluribus masculis tantum.)*

Ora, Elécte, flecte genua, et dic: Pater noster.

Et Electus, genu flexo, orat, et dicit: Pater noster, etc.

Et cum dixerit usque ad Sed libera nos a malo, inclusive, Pontifex dicit: **Leva**, comple orationem tuam et dic: Amen.

Electus, surgens, respondet: Amen.

Pontifex dicit Patrino: **Signa eum.**

Deinde Electo: **Accède.**

Et Patrinus pollice signat Electum in fronte, dicens:

In nomine Patris, et Filii, et Spiritus sancti.

Et Pontifex pariter facit signum Crucis in fronte ejus, dicens:

In nomine Patris, et Filii, et Spiritus sancti.

(Singularis.) Postea Pontifex sine mitra surgit, et stans imponit manum super Electum, et dicit: *(In plurali pro pluribus.)*

Orémus.

Oratio.

Deus Abraham, Deus Isaac, Deus Jacob, Deus, qui Móysi famulo tuo in monte Sinaï apparuisti, et filios Israëli de terra Ægypti eduxisti, deputans eis Angelum pietatis tuæ, qui custodiret eos die ac nocte: te quæsumus, Domine; ut mittere digneris sanctum Angelum tuum de cœlis, qui similiter custodiat et hunc famulum tuum **N.**, et perducat eum ad gratiam Baptismi tui. Per Christum Dominum nostrum. **R.** Amen.

Deinde accipit mitram, et adhuc stans dicit: *(In plurali pro pluribus.)*

Exorcismus.

Ergo, maledicte diabole, recognosce sententiam tuam, et da honorem Deo vivo et vero, da honorem Jesu Christo Filio ejus, et Spiritui sancto, et recede ab hoc famulo Dei **N.** quia istum sibi Deus, et Dominus noster Jesus Christus ad suam sanctam gratiam, fontemque Baptismatis vocare dignatus est: et hoc signum sanctæ Crucis ✠,

(Signat singulos.)

Quod nos fronti ejus damus, tu, maledicte diabole, numquam audeas violare. Per eundem Christum Dominum nostrum, qui venturus est judicare vivos, et mortuos, et sæculum per ignem. **R.** Amen.

Pontifex sedet, retenta mitra, et dicit secundo Electo: *(In plurali pro pluribus masculis.)*

Ora, Elécte, flecte genua, et dic: Pater noster.

Electus, genu flexo, orat et dicit Pater noster. Et cum dixerit usque ad Sed libera nos a malo, inclusive,

Pontifex subjungit: **Leva**, comple orationem tuam et dic: Amen.

Electus surgens, respondet: Amen.

Pontifex dicit Patrino: **Signa eum.**

Deinde dicit Electo: **Accède.**

Et Patrinus pollice signat Electum in fronte, dicens:

In nomine Patris, et Filii, et Spiritus sancti.